

MyndAiDod?
(20240128)

Awn yn enw’n dwy hunaniaeth - dwy iaith,
Dwy hil, dwy dreftadaeth;
O’n gwiraf bau, ffrindiau ffraeth,
Awn i riniau’r weriniaeth.



Lletygar ar ei oera’ - yn yr rhew
Fel yr haul mae’n noddfa;
Dinas wen dan haenen iâ,
Pur ei hawydd yw Praha.



Hyfryd bu’r cornel cyfrin o luniau
Kulhánek, y dewin
Siwr ei law a phiwr ei lin,
Â steil i brocio Stalin.

(Hedfan yn hwylus dros ben ‘nol i Praha. Cerdded yn y rhew. Mynd i arddangosfa Oldřich Kulhánek .)

AnimalFarm
(20240124)



Ar fyrder bo rhaid derbyn yn nefyn
Anifail a blodyn
Mainid cym ar Daear Dyn:
‘Wir, fe’i elwir yn elyn.

(Ail-ddarllen “Animal Farm” gan Orwell ar ôl gwyllo’r ffilm wych “Mr Jones”, am Gareth Jones o’r Bari yn mynd i’r Wcrain yn y 1930au a phrofi erchyllter yr “holodomor”, sefynewyn a achoswyd gan Stalin er mwyn cynnal economi Rwsia. Yn “Animal Farm”, mae breuddwyd yr hen fochyn, “Old Major”, yn amlygu iddo mai’r ffordd i wella bywyd i bawb yw cael gwared â Dyn.)

YGY
(20240122)

Natur menter rhamantus i fyddau
Cyfoedion, cofmelus
Tarian a llwyfan a llys:
Naws archifacen serchus.

(Cael ebost wrth hen ffrind ysgol.)

GolauArall
(20240121)



Nos gwiw a’i liw dros y wlad - lliw y sarn,
Llusernau gwareiddiad;
A liw sêr, lloer yw’m lleshad;
Lliw Iau, tai’r cwm a’r lleuad.

(Yn GG yr wythnos diwethaf, wedi rhewi’n galed, ac awyr y nos yn fendigedig.)

Cinio
(20240117)

Ynysig, cynig hynod - geiriau mil,
Grym heulog gyfarfod;
Huw a Dei a Geryn dod
I Drehwfa i drafod!

(Cinio ar yr ynys gyda D, G a H.)

Gweld

(20240115)

Doethur difyr a dyfa i fyw'n gall,
Heb wall, i bawb wella;
Rhinwedd oes yw siwrnaidda
Arhosyn pur sy'n para.

UnBore
(20240115)

Codi ar fore cydair - rhyfeddod
Cawod newid cywair;
Yn gynar gwyn ar y gwair
Arian gysur o gesair.

(Rhewineithiwr, a ffluwchad o gesair dros y lle.)

MynyddTân
(2024013)

Byw dwrw berw beirian - côlystod
Peiroclastig igian;
Pwysedd wylofedd lafa'n
Hyrddio i reg drwy'r gareg wan.

SesiwnPosteri
(20240112)

I greu ynaws o gaws a gwin - casglwyd
A magwyd chwim egin
Ac ystyriwyd gwe STOR-i'n
Ehangu i ranu'r rin.

(Mynd i gynhadledd STOR-i yng Nghaerhirfryn.)

Tybed?
(20240106)

Israddolein seryddiaeth - gwyddon, ffydd,
Nudd ein hathroniaeth;
Mae mwy, *Amŵamŵa*,
I'r sylw na welwn, wa!

(Gwrando ar gân Angel Hotel, a darllen am *Amŵamŵa* .)

CwmTawe
(20240105)



Ym miri henfro miaren - daw eli
Ar dyle eithinen,
A choflaid enaid y De'n
Y dŵr ar lethrau'r Daren.

(“Rhedeg” i ben mynydd.)

LlynYFan
(20240104)



Anwyl le i'm golchi'n lân - tir uwch trecs
Y Twrch Trwyth yn clebran
A chwarae dwrach arian
Tonog ael y Tawe'n gân.

(Mewn gair, nefoedd.)

Glaw
(20240203)

Calenig anelwig nen - glawiog lyw
Dilyw'r troi tudalen;
Fe anwylaf y niwlen,
Fy nh'wysog a'i lwydog len.

(Arlwys y glaw o hyd.)

TirNewydd
(20240102)



Dilyn llwybrau ei herwau â - cyffro
Rhodio'ng nghanu'r adar;
Mwynhau ei chaeau a châr,
Bywhau pau dauddeg pedwar.

2024
(20240101)



Gwanhau mae ffaglau'r ffuglen - nawws olaf
Noswylio try'n fore'n
Awr; gerllaw, agorir llen,
Datguddir eli'r heulwen.

(Rialtwch neithiwr wedi dod i ben, ond y bore 'ma yn wych i'w weld.)